

東川劉文簡公集卷之二十四

七言絕句

元宵應制

寶炬星攢徹夜紅  
千門萬戶鬧兒童  
吾皇不設臨光宴  
德澤湏覃六合中  
春城和氣滿清宵  
剩喜年豐樂事饒  
不用燈輪高幾丈  
踏歌看取路人譁  
銀花遙逐月華明  
委巷笙歌不絕聲  
豈是君王重燈市  
與民欲共樂升平

賜錦 二月



霧縠元從稼穡難伐檀應重 賜時歎歸來為感龜  
蒙賦一寸須將一匹看

匹錦頒來愧不堪 湛恩何以荅新覃絲絲解得辛  
勤處此日儂家正養蚕

邃菴惠圃中匾豈丝瓜江豈奉謝

一種分明與菽差最宜蔬食最宜茶睡魔正爾無由  
遣分賜俄驚得拜嘉

伯疇惠端硯口占二絕致謝

硯品端溪號最佳就中活眼價無涯感君兼惠難為  
報磨鈍何能副至懷

子硯常聞出遠方書齋得此倍輝光深慙未有磨穿  
志寶玩惟教十襲箴

謝思進寄惠脩詞衡鑑并筆

展誦新書總未聞幾年茅塞若披雲山齋鎮日支願  
坐藝苑空慙莫策勲

誰將毛穎致殷勤盥手開緘似見君不為同庚安得  
此臨書何止慕羊欣

播州十二景為楊宣慰題

筆架浮嵐

天外三峯一抹青居然恭對子雲亭茫茫何物能為

巧削出乾坤筆架形

碧雲獻秀

簾捲東風障碧雲  
朅來拄笏掃朝氛  
考槃何必歸肥  
道但得從龍便策勲

松臺霽月

方丈臺橫溪上山  
亭亭明月落松間  
覆盆亦解無私  
照似爲遊人不少慳

竹所清風

託根元自渭川來  
帶得清風拂世埃  
欲滌塵襟須徑  
造無由縮地幾徘徊

高橋卧虹

鑿石爲橋卧玉虹  
不須病涉往來通  
濟川籍此方投  
足便勝當年小惠功

柳溪環帶

溪流一帶繞周蟠  
綠柳如絲罩碧湍  
好訪蘭亭脩禊  
事夜卽應共會稽看

信泉迸玉

一脉清泉出傳崑  
似聞潮信亦非凡  
欲窺覺海歸何  
處坎止流行不日咸

古洞棲雲

東川集卷之二十四  
古洞沉沉覆薜蘿彩雲無定宿山阿儻來軒冕只如  
此誰問人間耿不磨

廬村有秋

一簇茆廬傍埜灣芄芄禾黍滿田間 皇仁四海元  
無外應有薰風解愠顏

東山春眺

萬象春從此日回無端生意逐人來山中多少逃亡  
者安得幽懷共一開

鹿井遊畋

五八源分山下泉誰從此地獨遊畋廬令豈遂當時

好講武須知重守邊

龍潭垂釣

汨汨寒泉百丈潭垂綸端可事幽探有時一滴歸來  
後霖雨須臾滿楮南

東莊八景爲任進士作

瑯邪春遊

東風乘興步瑯邪眼底雲山入望賒賸有賢臣遺烈  
在至今猶爲後人誇

蜡臺晴望

祭名八蜡本伊耆臺上迷龜幾世垂春有新芳秋有

報望中風景太平基

古城夕照

幾家烟火繞前村地逐名賢百世存一段夕陽渾似  
錦年年常共照黃昏

孝塚寒烟

荒塚纍纍鎖暮烟斷碑半蝕掩苔錢當時風烈應無  
筭只有東溟孝婦傳

南畝耕雲

百畝翻犁落舍南佐商事業此中含  
幽風說盡農家苦碩鼠何人不自慙

龍門釣月

一派清流送陸莊月明林薄遠含蒼  
釣鰲自是君家事不共桐江與世忘

竹窓讀易

滿室圖書五色籤幾竿脩竹護茆簷  
欲憑羲易求心易坐對清風晝上潛

槐院鳴琴

密密槐陰覆畫堂香薰綠綺日方長  
醉來不解無絃趣幾度南風幾度張

漫書十首

茅柴隨俗逐時篇興至無妨舉一甌寄語征途名利者行藏能不繫心不

聖時亦自有遺才豈但功名在省臺俯仰此心無愧忤儘於丘壑可徘徊

百年光景駒過隙世事真看似奕棋榮路况多經歷徧可教容易度 清時

日長對客爲棋戲雨過呼童覓樹栽坎止流行任時運春風隨處長蒿萊

綠柳垂溪鎖釣磯溪頭有蕨膩如肥無端榮辱皆身外始悟蓑衣勝緋衣

仕宦誰云勢不休  
瓷甕無謝玉爲甌  
客來莫厭頻相勸  
緩步山前亦勝遊

繩樞甕牖亦安身  
士行由來不厭貧  
自是家傳有遺矩  
寧肯愧前人

菁莪爲喜荷甄陶  
報國何論止一毫  
得遂幽懷未爲惡  
繞庭翠竹與山高

築室依山遠市墟  
教兒剩有舊詩書  
墨莊元是吾家事  
蔗境還看化日舒

足跡年來半天下  
心身誰獨不常忙  
世人幾解良工苦  
可愛歸辭妙發揚

秋霜碎草為李舜在御史題

何處荒蕪蔽埜田  
嘉禾多少漸教薦  
清霜一夜都凋盡  
剝有隨車雨滿川

題鳴珂清趣

灑灑泉聲拂澗河  
山中不信是鳴珂  
埜人一枕東窓後  
藜杖常扶信步過

鷺羽鍾殘欲綴時  
珮環聲異此聲稀  
雲林朝市元相隔  
賸有清風襲草衣

題琴棋畫二首

一曲朱絃寄所思  
高山流水坐中窺  
此心未必成今

古世上何人是子期

山中一局未輸贏  
宇宙紛紛幾變更  
不識爛柯成底事  
空令後世說長生

題松竹梅

虬角龍髯鼓朔風  
寒崖常見碧盈叢  
區區節操何須論  
負棟還多濟世功

家住渝州薄水涯  
誅茆為屋竹為籬  
十年眼底未經見  
展卷令人費夢思

玉質冰姿鬪雪開  
清芬信是百花魁  
要知此實非調鼎  
未許凡花不浪猜

題毛禮侍松鼠

直幹森森傲歲寒  
攀援何物出林端  
只緣自處能高潔  
却與人間作畫看

題李侍御遂之便面

山岳嶙峋聳碧霄  
動搖誰得似風標  
山中喜見春遊者  
應有隨車及物饒

題靜菴卷

紅塵何處逐紛紛  
坐掩蘅茅了不聞  
世上幾人知此味  
未論諸葛策華勳

題菱湖居士卷

家山元住傍菱湖  
望入烟波似畫圖  
識得此中奇絕處  
不須東海覓蓬壺

題扇為袁鳳儀

孤舟埜渡漱餘芳  
剩有清風送晚香  
菀菀芝蘭傍庭砌  
拂雲喬木幾行行

題便面送舉人

野渡誰橫萬斛舟  
浮雲片片點山頭  
為君望入西州路  
不斷清江萬里流  
萬里歸途此日登  
鄉心謾逐白雲升  
龍門莫道空回首  
自古良醫在折肱



爲鄭太監題

挺挺踈枝拂翠巒坐來暑氣了無干呼童莫厭時澆  
灌勁節令人自愛觀

又松

虬角龍髯向歲寒大夫誰肯愛秦官清風浙浙生雲  
壑坐詠應教思湧瀾

題鴈

棲棲沙渚罩寒烟春去秋來自可憐爲語時人休巧  
捕江天何處不容眠

又禽梅

歲寒竹外幾枝花帶雪含香傍水斜豈是幽姿偏可  
愛飛飛群鳥集丫槎

題畫

誰寫胡兒牧馬圖一聲羌笛隔烟蕪 聖明清化通  
夷夏欵塞當時有此無

寂寞江干了不驚蕭蕭蘆荻送秋聲也知樊紖非真  
性只爲能言誤此生

殄霞吸瀟白雲崑世上誰知日月函恠得此中塵跡  
少桃花流水隔仙凡

柳轉鶯聲群鷺下奇花野草帶垂開林塘滿眼皆生

意會得乾坤此境來

題小畫

草衣露頂傍山幽  
膽氣堂堂欲食牛  
三足妖應敲  
鯨松風陣陣拂吳鉤

題百鳥朝鳳圖

素縑五色煥文章  
喜見翩翩舞鳳凰  
群鳥相從不一  
種應知出類自非常

靈鳥虞周振羽儀  
漢庭常見史書之  
按圖謾憶當年  
事呈瑞應知在此時

題畫犬

救火傳書事亦奇  
昔人記此類堪疑  
守家更解韓盧  
技敵蓋誰云欲棄之

題畫猫

似虎性能祛黠鼠  
論功不獨在三農  
昨宵忽向隣家  
去聲震盤盂睡不濃

家貧蓄得幾車書  
恃爾常祛鼠穴居  
復恐無魚更無  
故教圖畫貼窓虛

題便面

亂藤埜樹隔塵寰  
一局楸枰擁碧山  
世上幾多名利  
客紛紛爭似兩人間

題扇面

萬里春江浪不驚，碧山隱隱繞重城。  
扁舟野渡誰能繫，鼓柁中流自在行。

題扇

烟波渺渺靜無風，葦岸橫舟墜釣筒。  
任是廬江多異術，對談爭似兩漁翁。

送賈鳴和兄善傳神

滿目秋聲震上林，白雲遙望遶山岑。  
感君兄弟偕歸省，萬里西川思不禁。

見說將軍妙寫神，中州今見有斯人。  
公卿從此應多識，肯使名賢得混真。

題扇贈魯舉人

綠柳陰陰躡碧崖，無端風景故鄉懷。  
知君此別歸何處，不向心齋即敬齋。

送萬模主簿鉛山

宦轍誰嫌舊路迂，恩波帶得滿鵝湖。  
閭閻見說多疲敝，額外何人更索租。

與君傾蓋楚江濱，屈指今過二十春。  
此去好尋仇簿跡，家聲莫遣負前人。

送葉仕奇大冶主簿

仕路重經楚水濱官階共喜 寵恩新送君不盡臨  
岐意好爲吾 皇牧四民  
五兩薰風彩鷁輕叢叢雲樹望中橫先聲久已傳荆  
楚倚杖欣看父老迎

送楊典史弟時會京師

荆吳東歷達 都城姜被相逢喜弟兄百二此行歸  
覽勝江湖端可濯塵纓

送蒲相士

常布聲名動縉紳相逢話舊若相親憑君未敢云非  
相夢裡輸贏總不真

和楊太宰先生待隱園即事感懷二十首

數畝閑閑雨露深青松翠栢鬱如林浴沂誰不懷山  
斗未許人人識此心

碧草茸茸繞砌臺攝衣遙望白雲開自緣心境應如  
許何物能容任往來

清閒歲有幾時餘俯沼何妨數看魚願得年年常入  
夢問閭無警樂何如

誰將卷石疊爲山山下泉流涌不乾回首塵纓應可  
滌南華不厭倚闌看

一鑑堂前景物清倦來緩步繞池行却懷道上紛紛

東川集卷之二十四  
者不但名場獨繫情

野花是處耀芳菲  
粧點春光映晚暉  
乘興不嫌更漏  
滴月華如水逐人歸

菡萏碧壓繞篔簹  
風月惟教到此堂  
獨向瀟溪究無  
極癡龍何用辨仙羊

尋芳不厭路多歧  
路左邀迎盡是花  
觸目由來皆樂  
處肯教心每戰紛華

松栢參差照眼青  
鳥聲不斷似忘形  
更憐變幻多雲  
物坐對應堪作畫屏

縱目遙看翠色侵  
池邊綠竹苑成陰  
自緣長養應如

法不覺參天忽滿林

世事應知巧益繁  
漫將往事靜中看  
清風爲愛淇園  
竹不識當時幾百竿

芳菲楚色欲侵人  
剪伐誰容有斧斤  
但出化工皆可  
愛始知圖畫總非真

一徑秋花獨擅芳  
不隨柳絮逐風狂  
披襟時復從心  
賞塵鞅何知有底忙

何處花開不隔時  
滿庭春意幾人知  
無端培植皆深  
計未許傍人可折枝

滿地清陰桂樹多  
秋香亭上獨摩挲  
爲公漫憶行吟

處只喜村農擊壤歌

仕路尋常似坦途風波忽動即江湖時人會得名園  
意平地神仙豈盡無

軒冕何人悟儻來機心空逐九腸回試看園內青青  
竹纔到春時便有胎

清池活水似通泉救旱常能向未然見說年來澤枯  
槁不殊霖雨在當年

花幄從教逐處移到來景致自多奇游歌此地應無  
數一段閒情恐少知

獨樂無須自古求名園此日剩清幽何當涉級容趨

徑不但匡時得令猷

和邃菴藥欄漫興

客思撩人春暮時清風忽到似相知披襟謾向花前  
坐不但紅芳可賦詩

爛熳新開醉露深真教圖寫費千金論功未辨當何  
用賞玩時看慰客心

奇花灼灼紫兼紅時逐遊蜂綴綠叢容易莫教看便  
過妍華終不耐狂風

紅紫紛紛花滿城爭奇競賞總關情獨憐蘭蕙歸何  
處富貴花中未有聲

翠蕤特出向斜陽誰譜名花獨羨王徙倚園亭恣心  
賞媿無佳句入奚囊

看花獨愛正當春盡遣凡花避後塵誰說不如桑與  
棗高風應欲律時人

紅簇亭中似錦團春風不厭倚闌看却懷空谷逃名  
者世上紛華見若干

徙倚花間不覺勞好看野色映青袍謾夸剪綵無端  
巧誰似天然色色高

和邃菴詠葵

徙倚庭除幾步深看花恰協本來心牡丹信是非凡

品何用珍奇不貴金

退食寧懷可宴安手攀花朵逐株看託根此地應非  
易愛護無須百寶欄

尺土栽培自效珍貞心便覺可相親未須浪與時人  
說俗眼安知不笑嗔

和白先生韻壬子

幾年宦跡共浮沉樗櫟多慙雨露深老大獨憐成底  
事栽培亦費化工心

岐路勞勞又一年望洋何處獨依然浮名也解爲身  
誤遲鈍還同上瀨船

東川集卷之二十四  
一官贏得此身閑齋榻常看傍午眠除却詩書誰與  
伴清風不費一文錢

世上紛紛辱與榮到頭誰羨白雲慵嶺山日日閑來  
往紫陌紅塵鼓自驚

和馬先生書堂雜詠

淇澳曾聞衛國詩清陰不改歲寒時東皇更喜方培  
植便有孫枝接子枝

竹

嫩葉踈踈枝未就花容苑苑開如舊莫因桃李奪芳  
姿清香自可臨風嗅

丁香

東風爭逐百花開笑指玄都任意猜自是化工心獨

溥明年依舊共春來

杏

老幹婆娑逼翠冥颼颼風韻撼人聽托根元得祖萊  
地不似牛山幾日青

松

匝地清陰色既勻幽齋最喜伴吟身愛槐爲感當時  
事猶有高風激後人

槐

花滿新枝黃滿簇清馥襲人元不俗世人愛花愛當  
貴坐對此君心亦足

薔薇

和秉德韻

香薰紫極御筵開絃管聲聲徹鳳臺最喜遭逢富  
此日愧無獻賦子雲才



形庭張燕啓珠簾 鳳輦乘春幸御筵一歲 君臣  
惟有此叨陪任醉五雲邊  
綵結鸞亭百味陳戲呈傀儡幻如神鹿鳴爲憶君臣  
樂自是當時少若人

和梁太守汝玉寄韻

丹火爐中常養氣青松林下謾吟詩世間一種優閒  
福屈指非君欲讓誰  
別離忽忽三年夢珠玉相將滿紙詩未信白頭異傾  
蓋陳雷此日欲歸誰

玉室丹臺名已注來從林下獨題詩釀成白酒常招

客一醉醺然每共誰

高山一曲知音少擗管常吟醉後詩拭目幾看名利  
客蕭然脫穎獨歸誰

林間勝負爲棋戲月下推敲遣興詩綠竹黃花繞庭  
砌相從不愧未知誰

和叅政弟鳴鳳山莊韻

種松

本性應於百木強種來便不畏風霜直教培植需時  
用聳壑昂霄豈論章

種栢

東川集卷之二十四  
十七  
亭亭翠色欲參天  
植向庭除自可憐  
任是四時風景  
異貞心不改本來堅

種竹

渭川千畝本同根  
枝葉青青帶雨痕  
何用醉迷方可  
種只看封殖便生孫

種橘

仙種傳來有幾枝  
託根喜向雨中移  
垂垂結實霜林  
滿可愛金衣在此時

和叅政弟致仕韻

見說當年綠野堂  
清風百代有餘光  
師心豈敢忘前

哲獨向書齋藝異香

聖主恩深忽放閒  
出門常喜對青山  
班荆時與田翁  
坐笑語無妨步月還

朝出柴門獨課耕  
傍田溪水照人清  
升平共喜逢  
明主美景從教載酒行

數畝良田自可居  
牙籤况積有詩書  
聖恩莫道無  
由報課讀閑來復課鋤

又次韻課兒

草草觀書豈得精  
晦翁垂訓甚分明  
本原能盡工夫  
趣豈論人間貴有卿

課耕

歲計從來在一勤莫將鹵莽事耕耘秋來萬寶收成  
日任爾烹葵醉日曛

次韻送紫厓學士

纔得開懷日幾回又看策馬出蓬萊十年追憶 宮

城外平日聯鑣一往來

舊同內  
館教書

薰風遙逐綵船回漫向離城賦有萊翹首玉亭渺何  
許主人幾月又歸來

道上誼傳學士回滿船簫鼓震蒿萊江南草木舒翹  
久雨露知公又帶來

詩篇滿紙動昭回便覺胸中去草萊 聖主只今圖

用舊朱衣日迓自南來

雲擁樓船 帝里回聲華元自起蒿萊廬江太守今  
毛義三錫堂中又望來

次北潭齋居

坐對青燈向夜堂倦來隱几當方床謾懷玉署多清  
思塵世勞勞苦自忙

鎮日齋居左右堂誰容坐隱共繩床披衣閒過聞清  
話未信人間有許忙

次韻象戲谷梁汝玉太守

輸贏不敢起爭端只在先登指顧間任是君家善多  
筭校計果誰還

手談高下許多端得失分明一着間不信家真妙  
筭苦思逋負僅能還

挽周侍御母

百歲風光似水萍只看教子究遺經孤燈不厭親和  
膽甲榜誰能說夢鈴

五言絕句

和白宗伯怡靖齋四十首

小山

南山纔幾仞轟轟含遠勢誰云木假竒真趣無此異

淺池 形方

為負豈不貴可鑑應在矩混混貯清泉滿溢非因雨

踈箔

高明何用障愛靜聊緯篠左右畫圖書塵坐了無

陋室

虛室自生白安居豈云幸緬懷古賢哲孰不由此靜

月臺

甃石臺方丈花陰時倏過披衣納晚涼月露疑侵坐

雪洞

白堊盈四壁中函僅幾尺坐來自瑩然何由污泥緇

風窓

解慍憶薰風展卷看幾度於時北窓啓兀坐欲忘暮

雲房

二氣自迭運吾心靡寒暖端居向此中春意常自滿

葡萄軒

分種從西域引蔓騰騰上到來恣摘嘗不用勞分餉

薔薇架

春風花吐香朶朶紅鋪架賞玩聚親朋勸酬無少暇

酴醾屏

平生愛此花忽見開如繡坐對挹清香不用臨風嗅

芙蓉沼

託根向清流吐艷照晴旭似知深愛護擁蓋高擎綠

布幌

張布障前簷隨時任舒卷物理固有然安能常自變

氈簾

北風寒墮指駸駸隨戶入青氈鞞地垂送暖非酒力

藜床

雖非白玉牀倦來堪偃仰攤飯未可噍達義固多想

石斛

琢石爲斛形於中獨特立誰從執笏拜應自有妙識  
蘭晚

淨潔守天和不逐凡卉亂寒露秋日滋清香吹不斷  
菊畦

佳色燦黃金挺挺霜畦內採掇雖多賢不似靖節醉  
萱砌

忘憂看樹背鮮麗爛雲帔炎歎正無聊撫玩傍堦砌  
蓼堤

沿堤闔淺紅挾挾墜新蕊辛苦豈倍嘗觸目欲忘睡  
玉簪園

綠葉覆朱闌花歆躡玉柄清風時送香心賞何嫌凭  
金鳳塢

繁叢傍庭隅何處分此種九苞豈浪名紅色深映隴  
紅藥圃

凌晨春未暮爛熳光凝圃移根自紫禁不厭承繁露  
碧茸巢

春風纔覺到隨處吹成碧生意滿目前未須論  
蒼檜

濃陰不受暑含露似垂珠展卷依清樾從容辨魯魚  
朱榴

似怯霜風重纍纍欲鞞墀試從盤內剖錯落燦珠璣

綠蒲

神藥分何處青青覆瓦盆長生如可信不厭植吟閣

翠竹

坐愛花間竹蕭然綠葉叢貞心元自秉挺挺歲寒風

白鶴

獨唳長松下偏於物外宜乘軒雖可貴誰得跨雲騎

錦雉

文彩鍾靈異輝然見羽毛群飛過麥隴翹首五雲高

斑鳩

晴雨常知候山林未獨栖籠中應可愛不似出籠啼

蠟啄

野性於何適空驚羽翮齊一從羈養養飛走逐群鷄

素琴

俚耳耽新樂高山空獨吟古人養心具太古有遺音

清尊

燕享寧容斷沈酣亦喪真緬懷逃世者總是晉名人

哨壺

投壺亦射禮觀德寓娛賓能識先王意無妨舉爵

名畫

好手不可遇前人豈異今共知精六法誰獨會傳心  
免毫

龍劑

磨出雲烟汁油然筆底幡誰從稱處晦落紙百年看  
匣硯

厨書

世方奇子硯元出琢磨中徃哲多如此誰云獨武公  
斯道非空載言詞豈苦腴須知辨岐路不負聖賢書  
次劉司空南峯舟中感懷三首

浮雲滿太虛飛揚欲何止巍巍望北極翹首淚如水  
旭日照長空陰翳蕩無止空懷訟風伯汛掃清如水  
世事本無端人心自有止回風誰獨悲搖蕩同流水  
六言

題秋江遠意

水落青山翠律風清古樹參差遠近孤舟泛泛江流  
長夜東馳

淡淡秋山不斷漫漫春水無涯心逐山迴北固舟隨  
水面東馳

七言長篇



平西夏歌

自古天下之勢未有不偏重之時而其失於偏重也必負德量才識大過人者然後能振起而正揀之若今司禮節菴張公是已公新城世家以端恪英敏受知先帝擢事上於春宮以至於今寵用日隆比逆瑾用事天下囂然喪其樂生之心矣故寘錘倡亂寧夏輒指以爲名公受上命率師徃征不踰時罪人斯得既還朝遂指陳瑾罪惡詔寘於法併及黨與一時人心懽忻鼓舞有如脫幽囚而忽仰於白日者其戡亂於既形遏亂於將萌如此非其德

量才識之過人安能然哉故我皇上倚任益至兩

元寵錫褒嘉之典亦度越流輩而公之公忠直諫所以圖報者益不少懈凡賢否之舉措政事之興革無不求協公論未嘗少以已意參焉思天下無一人不得其所其心始慰而其功之在於宗社生民亦無一人不知也余不佞謹述爲歌詩一章用識一時慶幸之意於戲是豈一人之私哉詩曰

聖祖開基億萬年皇風穆穆掃腥羶文恬武嬉四海一神功赫赫迥無前文子文孫續弘緒梯航萬國無虛歲狼烟不警海不波天下謳歌慶遭際何物孽

臣生朔方含機伺毒敢跳梁惡聲如梟播遐邇臣工  
相視驚蒼黃新城張公侍 天子 主憂臣辱奮然  
起提戈冒暑率師征肅肅 皇威震西鄙踰時俘馘  
獻 明光 天顏喜悅寵非常禍端復言在 帝側  
除惡務本慎包桑血誠瀝瀝書盈紙捐軀豈計當逆  
耳飛霜自是格 宸衷即繫詔獄肆諸市青天白日  
織雲斂鬼踪狐跡無由掩奸愼以次論刑書海內纔  
知憂可免自古厲階非偶生見幾不決禍胎成鉅鹿  
誰能危漢室寃句何自起唐兵如公勲烈未易數誓  
以赤心報 明主 君明臣忠理則然亦豈無心憂